



Nakon priloga koji je objavio talijanski novinar Luigi Pelazza

SIPA ISTRAŽUJE KRIJUMČARENJE ORUŽJA IZ BIH U ITALIJU

SARAJEVO - Inspektori Agencije za istrage i zaštitu (SIPA) jučer su pretresli nekoliko objekata na području Sarajeva u vezi sa spornim snimkom koji je osvanuo u medijima, a na kojem talijanski novinar kupuje oružje u našoj zemlji.

U SIPA su rekli da pretrese rade u suradnji sa Graničnom policijom BiH po naredbi Suda i Tužiteljstva BiH, a zbog sumnje na ilegalnu trgovinu oružjem iz BiH u Italiju.

Podsjetimo, Luigi Pelazza novinar popularne talijanske emisije „Hijene“ 2. listopada je emitirao video reportažu o kupovini i švercu oružja u BiH. Prilog pod imenom „Gdje ISIS kupuje oružje za napade u Europi“ traje 19 minuta i pokazuje kako se lako može kupiti oružje u BiH. U prilogu se može vidjeti kako Pelazza ne predstavljaći se kao novinar, ku-

puje pušku u Mostaru, a osim toga i širom BiH je kupovao automatsko oružje, mitraljeze, bombe i pištolje.

Pelazza je skrivenom kamerom snimio i susret sa svojom „vezom“ u Sarajevu koja ga je povezala sa prodavačima oružja u raznim dijelovima zemlje. Njegova veza ga je ugoštila u svojoj kući, gdje mu je ispričala o svojoj kriminalnoj prošlosti u Italiji i sadašnjem životu u Sarajevu. Na snimku se može čuti kako ovaj trgovac oružjem priča kako je nedavno prokrijumčario 500 komada automatskih pušaka u Nizozemsku. Ovaj domaćin se pohvalio kako njegove puške dostižu i cijenu od dva kilograma heroina po komadu.

Zatim se na snimku može vidjeti kako novinar kupuje staru vojnu pušku od nepoznatih osoba, kojima je prekrpio lice kao i ostalim sugovornicima

u svom prilogu. Nakon što je kupio ovu pušku oni odlaze na lokaciju 15 kilometara sjeverno od Mostara izvan naselja Vojno pored Neretve, gdje je isprobavaju njenu preciznost. Ovu pušku je platio 75 eura.

Osim ove puške, Pelazza je isprobavao mitraljez, automatske puške AK 47, ručne granate, a neke od njih je i kupio.

Da njegovom „domaćinu“ nije prvi put da prodaje oružje vidi se i po savjetima koje mu daje. On mu je objašnjavao kako da prošverca oružje, a da granični policajci ništa ne posumnjaju. Rekao mu je na koje granične prijelaze da ide, gdje da sakrije puške, kao i kakav miris da koristi kojim može zavarati pse da ne otkriju barut.

Iako se akcija provodi po nalogu Tužiteljstva BiH, oni se nisu oglašavali pa nije bilo poznato ima li uhicenih osoba i je li pronađeno nešto od oružja.